

基督敎救國論


基督敎救國論

緣起

今天下憂時之彥。莫不言救國矣。二十年來。國中亦競言改革矣。而政府之不良。如故國勢之貧弱。如故於是抱悲觀者。多持厭世主義。謂我國直無可挽救之方。雖然。國豈果不可救乎。夫政治之腐敗。社會之黑暗。皆人心之陷溺爲之也。而實由於無宗教信仰之故。宗教之完美者。自推基督教爲最。而又與中國現時社會情勢。最爲相宜。故居今日而言救國。政治法律。則嫌於空談。經濟實業。則緩不濟急。一言以蔽之曰。惟宗教可以救國而已。曰惟基督教可以救國而已。余嘗欲本此旨爲文。以發明之。顧以年老事冗。筆未能達其所見。乃以此題徵文於新申報。得佳作數十篇。頗有能引據經語。條列治道者。而尤以浦君化人之作。簡要詳盡爲最。爰先印行以廣其傳。俾世之讀斯篇者。明基督教之真理。知救國之要素。由是而廣勸導。俾吾國上流社會。集合信徒。使能自立教會。不徒恃友邦之資助。庶幾布道之團。愈推愈廣。信仰之士。徧乎國中。則人心必能默化潛移。而國勢自然剝極必復。愛國之士。或不河漢斯言。

民國七年二月一日湘鄉聶曾紀芬謹識

基督教救國論



基督教救國論

浦化人

嗚呼。中國之衰弱久矣。救國之呼聲高矣。時當甲午。我軍見挫於日。憂時之士。以爲救中國者莫如罷科舉。興學校。庚子之亂。幾致瓜分。又以爲救國之道。在乎立憲法。興實業。繼見立憲遲遲。實業無效。乃盛倡革命。變更國體。以爲救國之方。舉凡泰東西救國之成規。我國無不仿而行之。然而微特國不可救。抑且每況愈下。蠅蟻沸羹。有僥焉不可終日之勢。方知今世人心日壞。風俗日漓。天下已溺。當援之以道。於是形諸報章。騰諸演壇。登諸梨棗者。皆曰道德救國。豈意言者諄諄。聽者藐藐。道德墮落。良知喪亡。破袂藩籬。甘冒不韙。甚至卑鄙齷齪。實行不道德者。即彼以道德救國大聲疾呼之人也。於是少數有識之士。乃悟空言道德於事無濟必也。昌明宗教而使道德有所附麗。始可達到救國之正鵠。是故二三年耶儒佛三者之徒。大有脣敝舌焦。席不暇煖之概。一種奮興之象。爲歷來所僅有。我國人之智識與經驗。固已進一層矣。惜乎多數人之對於宗教。猶未有明確之眼光。以迷信二字抹煞宗教者有之。以宗教爲愚民政策者有之。以宗教僅合下流社會者有之。以宗教救國失之紆緩者有之。不知宗教與迷信自有涇渭之別。迷信以虛僞欺人。其結果也。往往傷風敗俗。

阻礙。文化使人日趨於黑暗。宗教以真理示人其結果也。恆至移風易俗。促進文化。使人日趨於光明。所謂欲知一樹之善惡。但觀其結實之何若可矣。（馬太七章十五至二十節）宗教家而苟用愚民政策也。則基督教會亦何必耗財費力。廣興學校。（我國教會大學約有十五就。中文學科學多有可觀其餘中小學更僕指難數）開通民智。以自相矛盾耶。且宗教之設有教無類。凡圓頂方趾之人。皆在被救之列。豈僅下流社會而上流人物待救尤亟。蓋彼見聞既廣。文辭又美。爲能文過飾非。權位既高。爪牙又多。正可毒人害國。古今之老姦巨猾。篡位賣國者。皆上流人物也。且我國堯舜禹湯文武周公孔孟。實具經天緯地之才。然皆富有宗教之思想。彼泰西之大政治家。若格蘭斯頓。若卑斯麥。文學大家若莎士比。若迭更司。科學大家若奈端。若湯茂生。皆深信基督教者也。謂爲宗教。僅合下流社會者。其能免於管蠶之見耶。至謂宗教救國。失之紆緩。則亦未必盡然。夫以革命救國。不過治標。宗教救國。乃屬治本。治標之救國。暫可小息而已。以其徒改外觀而未改人心。人心不改。而欲國治。是猶以朽腐之棟。蠹蠶土之牆。壁構造大厦。未有不立致傾覆者。治本之救國。長治久安者也。以其能革人心。人心既革。則利無不興。弊無不除。一勞可以永逸矣。若吾國民而有悔悟之

心也。則回頭是岸。正無所慮。其紆緩。孔子曰。德之流行。速於置郵而傳命。在吾民好自爲之耳。雖然。宗教不一。縱皆有救世之旨趣。要亦各有其特點。當此四面楚歌。一髮千鈞之時。不得不慎思明辨。以選一盡善盡美之教門。以爲我祖國之救命丹也。僕雖不才。第自觀察我國人之病狀。與夫研貫基督教之內容以來。敢言基督教者。實爲我國之對症良劑。可以生死人而肉白骨。救國之道。莫出其右也。謂余不信。請申論之。

一曰。基督教足以救吾國民之利己心也。專制之國。一人貪戾。一國作亂。共和之國。萬民貪戾。一國不治。人苟利己。何能利國。今我國貪官污吏。比肩而立。賄案舞弊。觸目皆是。立一公司也。營業未始。經理之私囊已飽。辦一新政也。國未蒙福。人民之禍殃已受。明知納稅之義務也。有偷漏私運者矣。明知民脂民膏也。有揮金如泥。罔顧困窮者矣。無論其爲先進後進。老派新黨。其能免爲阿堵物之奴隸者。鮮矣。無論其爲閹員疆吏。士夫走卒。其能潔己奉公。精忠報國者。鮮矣。以是郵政海關鹽務種種。悉由外人主持。太阿倒握。而休戚相關。存亡與共之中華國民。反至不可信任。嗟乎。痛哉。循是爲之。非至胥中國財政而爲異族監督不止。其患何堪設想。此非利己心爲之厲階者。何耶。基督教

救者絕對反對利己者也。基督謂其弟子曰：爾中欲爲大者當爲人役。欲爲首者當爲衆僕。蓋人子（基督自稱）至非以役人。乃役於人。且舍生爲衆贖也。（馬可十章四十三至四十五節）欲救生命者反喪之。爲我而喪生命者反得之。（卽利己者反害己當損其肉欲以高其人格之意）（馬太十六章二十五節）爾宜相愛。如我愛爾。此我誠也。人能爲友捐命。愛莫大焉。（約翰十五章十二與十三節）又語一富貴者曰：爾當盡捐所有以濟寡人。則必有財於天。且當從我。（路加十八章十二節）其他類此之言。更僕難數。從可知基督教所揭。樂者犧牲主義也。且非徒託空言也。立教之耶穌。凡所作爲。無不實踐斯義。而以殉己救人。造其峯巔。卽其當時所召之高足。歷代繼志之忠徒。亦多是。則是傲摩頂放踵。以救世人。無論荒島絕域。皆敢冒死前往。關榛莽爲天國化野。蠻爲聖徒。猗與休哉。挽救利己者。其在斯乎。

二曰基督教足以一中國之人心也。以蕞爾之扶桑。能勝偉大之強俄者。萬衆一心使之然也。至於我國。莽莽神州。四百萬里。芸芸蒸民。四百兆衆。以理度之。宜可列入世界之頭等國矣。乃竟有墨西哥之現象者。人心渙散之所致也。光復以來。政潮洶洶。當軸諸公。日思統一。而其目的。卒不能達。

政府與西南意見未除。西南要人自相紛歧。中央各部未盡融洽。而省與省之間未必水乳。一省之中猶有抵牾。而國會解散之時。議員聯翩赴滬。一若真有舟車之誼。袍澤之情也者。詎其聯結之熱心。不過五分之一。有赴粵爲非常國會議員者。有言旋作鰥鵠之相守者。有留滬逍遙於十里洋場者。有希冀爲重選議員者。難兄難弟。竟成參商。他如農工商兵。各各未能合一。更無論矣。推其原因。不外乎心思狹隘。無胞民與物之觀念。競尙權術。無推心置腹之至誠。堅持成見。無返躬自省之修養。大抵兩面爭執。各有是非。誠能自燭其疵。憬然覺悟。則必能相讓而合乎中庸。遂使中國有入室操戈。永無寧日之患。亦云慘矣。基督教之精神。富於合一。基督臨難刺刺祈禱天父。務期衆徒合一。（約翰十七章）又以葡萄樹與其枝葉不可分離。以喻合一之必要。（約翰十五章一至八節）基督鑒夫猶太人黨爭劇烈。必召奇禍。乃向耶路撒冷（猶太京城）而哭曰。大難將至。必有敵臨。圍攻斯城。殲其赤子。毀其巨室矣。（路加十九章四十三與四十四節）又曰。耶路撒冷乎。爾殺先知。石擊使者。我欲集爾子女。似母雞集雛翼下。（卽欲其合一）已幾何時。惟爾不欲。爾室將爲墟矣。（馬太二十三章三十七與三十八節）其大使徒保羅。尤能善體此心。三致意於合一。（以弗所四章

二至六節加拉太五章十五節)且以基督徒比人之肢體。務互相倚助。同樂同苦爲言。(哥林多十二章十二至二十七節)矧信徒知上帝爲父。人皆同胞。欲愛無形之上帝。必愛可見之同胞。(約翰一書四章十九至二十一節)狹隘之心。不期而擴矣。基督命人誠實無僞。至爲深切。一則曰是其是非。非其非。過此則惡矣。(馬太五章三十七節)再則曰誑者魔鬼子也。(約翰八章四十四節)三則曰僞善之士。如粉塗之塋。外觀雖美。內則死骸污穢充之矣。(馬太二十三章二十七節)人苟信奉基督教。以虛僞爲可恥。(俗語曰忠厚者無用之別名。是以粉飾爲能事。誠實爲可恥。與此戾矣)開誠布公。待人以恕。則何患意見之不燭耶。若言夫自檢反省。則又爲基督教所注重。但觀詩篇五十一章認罪之言。保羅罪己之語。(使徒行傳二十六章九至十一節。哥林多前十五章九節等)與今基督徒之每以罪人自承。則又非教外人所得望。其項背或以爲基督教之宗派。多於他教。名目尤繁。焉得合一。吾應之曰。不然。基督教宗派雖多。名目雖繁。而精神則一。敬拜者莫非上帝信仰者。莫非基督所據者。莫非新舊約所望者。莫非天國臨格所攻者。莫非魔鬼惡俗情慾。縱有小異。何妨大同。近且合辦播道教育慈善事業。衆志成城。能力膨脹。有浩浩蕩蕩。一瀉千里之勢。

更以一千九百七年各會代表詣滬。公開百年大會。追悼馬利遜君。與一千九百十三年開全國教士大會。組成中國續行委辦。足爲同心同德之鐵證。歐美且有世界佈道會。世界學生會。爲出類拔萃之盛舉。卽今戰爭諸國。英法美德奧意比等。皆奉基督教者也。雖窮兵黷武。生靈塗炭。悖乎基督教之人道主義。然能捨身衛國。上下一心。各盡其力。以增邦家之光。則吾人對之。不得不有愧色。甚至比利時受人蹂躪。慘不忍言。其民亦無怨艾。反有生同樂死同哀之氣概。謂非基督教之力。而何歟。

三曰。基督教足以起吾國民之信仰也。法國革命之初。人民偏重武力。敵視宗教。改星期。黜禮拜。治寺鐘爲礮彈。易十架爲刑機。信仰既去。敬天畏命之心。自失。則凡可以逞志者。靡所不爲。遂以誅滅反對黨爲治國之不二法門。卒釀成拿破侖帝制之禍。詩曰。殷鑒不遠。在夏后之世。今者我國人拾科學家之牙慧。科學與宗教本無反對。培根曰。略窺科學者不信有上帝。及深入其堂奧。乃復信有上帝。狃唯物論之謬說。讀青年會出版之闡道小牋二十二號。卽可知此論之荒謬。與流毒矣。無神無靈。喪心病狂。有強權無公理。是非顛倒。黑白混淆。兇橫恣睢。肆無忌憚。致我民輾轉。

於水深火熱之中而有逢此百懼之嘆大矣哉。無信仰之害也。且夫國民之心理與國家關係甚切。楚雖三戶。亡秦必楚。此言人心不死。國必不亡之謂也。希臘三百勇士。敢據山峽以抗波斯十萬之衆者。精神振刷之效也。記曰。哀莫大於心死。心死之人。眸子矇矓。神色沮喪。膽怯如鼯鼠。力弱如狐兔。不能重見天日也。數十年來。我國人見夫外交迭敗。割地賠款。列強脅迫。政府闕弱。久已畏首畏尾。洎自辛亥以還。帝制兩現。國會重散。兵禍連結。萑苻羅布。內憂外患。接踵而至。天災人禍。相迫而來。則作楚囚之態者。十人而九。備爲韓人之續者。匪伊一二。銅駝荆棘。社屋荒墟。人未老而櫛已備。國未亡而心已死。蓋上帝臨汝。無貳爾心之道。不足語乎今之人矣。此以無信仰而有絕望悲觀之心理也。至若拜偶禮像。焚頂烙膚。千百成羣。迎神賽會。以及信卜從巫。抽籤算命。堪輿方向。生尅冲犯。莫非耗財殘生。甘自束縛。其與國計民力影響匪細。此以無信仰而有迷信充塞之患也。基督教。信行合一。信爲行之始。行爲信之終。（參考羅馬人書三至八章。雅各書二章。十四至二十六節）有真理之信仰。則迷信妄爲。自無容足之地。有產自信。則驕橫放縱。無由發生。（彼以其善行由於天助。則何驕之有。哥林多前十五章十節）信上帝之在我左右。則可不愧於屋漏。衾影。

(詩篇百三十九章) 信天父之仁慈。則浪子自能回家。(路加十五章) 信上帝之全能。則不懼阻力之橫生。(馬太十七章二十節) 阻力雖大如山嶽。亦能勝之。信悔改之足挽天心。則亡國不亡。(約拿三章) 信天命之不爽。則福地可居。(參考約書亞記) 基督教信仰力之浩大。世上實無物足與倫比。豈不奇哉。詩曰。嗟我兄弟。邦人諸友。莫肯念亂。誰無父母。我國苟有救國之士者。則以新舊兩約爲楚些。招我國魂。以耶穌基督爲救主。甦我民心。可也。

四曰。基督教足以改吾國之家庭也。欲治其國者。必先齊其家。家庭不良。則國家之基址壞矣。我國家。家庭專制。達於極點。職業婚配。概由家長操縱。(今日新派已有自由。但僅爲例外) 子女無參與之權。遂有燕婉之求。得此戚施之憾。於是無力者終身抑鬱。或藉狎邪以洩其憤。卒致身敗名裂。畢生莫贖。有力者離鄉遠遊。或羅小星以舒其鬱。(此爲納妾原因之一。參觀下文) 卒使列屋閒居。妒寵爭妍。而多勃谿。循至以國家社會慘澹經營培植之人才。不覺消磨於惡家庭中。而不能有所作爲。不亦悲乎。不特此也。一家同居。情意難投。致母子相夷。姑媳仇讐。妯娌不睦。而時聞惡聲。乃使閨第精神。秦牛用之於疇病。謾罵。而其初所抱通力合作。共理家政之希望。無不變爲幻泡。夢想。

家中稚兒。天真爛漫。本無沾染。今以種種暴厲。怨恨之活動影戲。時時印入其腦。異日長大成人。復以其腦府所畜之戲片。一一演之於社會。而成一種乖戾。剛愎之人民。陷國家於險途。推原禍始。惡家庭有以造成之也。邇來萬國交通。我民一見外人家庭之樂。頓覺相形見絀。乃大爲反動。而有家庭革命。倫常廢棄。風化敗壞之怪事。接觸吾人之眼。靡然而矯枉過正。治絲棼之適以滋其弊也。基督教則不倚不偏。斟情酌理。言人須直接負責於上帝（路加十國章二十六節）耶穌爲上帝之化身。故愛耶穌爲先（哥林多前六章十五節又十九與二十節）此言人身爲基督之肢體。若污其身。卽是辜負基督。並不曰得罪父母之遺體。故吾曰直接負責於上帝。愛人必以親親爲先（出埃及二十章十二至十七節申命記二十一章十八至二十一節馬可七章十至十三節約翰十九章二十六與二十七節）男女當有同樣之貞潔（馬太五章二十七至三十節哥林多前六章十八節提摩太前二章十五節）惟其負責於上帝。故能範圍寬大。不爲家庭所限制。而得免與愛國心有所衝突。亦無桎梏個人特性之虞。惟其愛人以親親爲先。故能愛有等差。足與儒道融化。一爐而無破壞我國舊道德之慮。惟其男女貞潔。故雖許以自由擇偶。亦能發乎情。止乎禮。而不趨於極。

端抑更有進者。基督教經典。明載夫婦同居。與親分離。（創世記二章二十四節。馬太十九章五節等）既可拔除子媳之倚賴。根性又得保全。天倫之樂。轉使孝道得有實際。豈不美哉。此外又有一妻主義。與尊崇女子爲造就良家庭之導線。（提摩太前三章二與十二節。民國四年十一月號青年報所載之聖經館繙欄內有基督教崇視女子之證據）何則。人無娶妾之望。則於擇配也。必加審慎。一經結褵。終身定局。無所外慕。妻子好合。如鼓瑟琴。而家道成矣。如不然者。雖內助甚賢。伉儷素篤。一旦得志。或有得隴望蜀。廣納婢妾。以饜其欲者。但觀吾國位尊金多之袞袞諸公。必有二三內寵。充其寢室。即可知我言之不誣。此中國多妻制之爲害也。（其實是一妻多妾之制）且重男輕女。納妾爲尤。凡中人以上。聞人欲妾其妹或女。則未有不睚眦而髮指者。遠夫已有財力。雖墓木已拱。齒危髮禿。鬚鬢蓬蓬。尙欲見人女或妹之妍者。而妾之且以爲榮。君子之用心。固如是乎。女子者國民之胚胎。人旣以弱女子爲取樂之玩物。則無怪我國民不能竊焉。露其頭角。而與列強一抗衡也。然則欲改家制。重女權。而一妻主義者。則舍奉基督教外。無他道也。

五曰。基督教足以興吾國之實業也。致富之道。端賴實業。我國講求實業。匪一日矣。然實業卒不

能與惟期緩付賠款。日事借債。爲飲鴆止渴之舉者。厥有二故。辦實業者。利令智昏。缺乏道德。使資本家望而生畏。寧儲其財於外國銀行。一也。飽學之士。奔走仕途。不屑犧牲於實業之中。乃至政界中人。浮於事。產出一般高等遊民。二也。其有肯捨棄其資格。兢兢焉。惟從事於實業而安居。汝上者。則如鳳毛麟角。不可多得。如是而欲富國利民。不憂憂乎。其難哉。基督教之崇尚道德。祛除利己。前已言之矣。今當進言其勞動神。聖俾吾同胞。了然於歐美富強之淵源。昔摩西傳上帝之誠曰。爾須念安息日。守之爲聖。然六日間。必須勤勞。治爾百工。（出埃及二十章八與九節）安息日者。禮神之日也。上帝以勞動安息。並示世人。是以勞動與禮神並重也。故摩西大衛事牧。亞摩士從農。基督業木工。其使徒業漁。保羅製幕。聖經且曰。不作工者。不應就食。（帖撒羅尼迦後三章十節）今泰西各國。大實業家。車載斗量。多不可計。人民富足。利源不絕者。其原因。雖甚複雜。要以基督教爲原因之因也。且其施教也。實著手於平民。耶穌傳道之初。卽絕帝王之念。（馬太四章八至十節）其後。蜚聲遐邇。衆民強之爲王。彼仍退而避之。（約翰六章十五節）甘與罪人稅吏爲伍。而周旋於疲癯殘疾。顛連無告者之中。藉以減人身心之痛苦。而拔人於污濁奸險之罪海。以登諸聖潔平安。

之。枉。席。若。孔。孟。則。不。然。孔。子。周。游。齊。衛。陳。蔡。諸。邦。苟。非。大。無。道。之。國。皆。欲。勉。強。扶。持。庶。幾。一。日。得。行。其。道。將。之。荆。先。之。以。子。夏。申。之。以。冉。有。孔。子。之。欲。得。其。君。若。是。其。勤。也。孟。子。去。齊。三。宿。而。後。出。晝。猶。曰。王。其。庶。幾。召。我。孟。子。之。不。忍。棄。其。君。若。是。其。厚。也。（見蘇子瞻賈誼論）此與基督行道救世之目的雖同而與其教民成俗之塗徑則異矣。後儒變本加厲遂則爲仕坐於廟朝進退百官以爲宗族交游光寵窮則爲文漁獵前作戕賊文史冀登文章之錄而享不朽之名甘爲筆門圭竇之寒士不爲老農老圃之小人而委農工商漁於愚夫笨伯之手彼安坐而食者曾不一加誘掖以報其恩乃反趾高氣揚夜郎自大目之爲賤丈夫爲野人棄利於地積習相沿使物產富饒甲於天下之神州幾有財政破產之禍豈非儒者必欲治人而食於人之過耶故欲除我國民牢不可破之做官思想而興其富國利民之實業者非奉基督教不爲功。

有難者曰。凡百宗教均以勸善懲惡爲主旨。基督教與孔教佛教其間更不能以寸。基督教能救國。孔佛奚獨不能救國。何不因勢利導。以昌明其素有之宗教。而必信此近代輸入之基督教乎。吾應之曰。唯唯否否。佛教雖尙慈悲平等而輕世俗私欲與基督教不無雷同。要有遁世寂滅之義不宜。

於今之競爭世界加以麁雜迷信積重難返不如竟以具有樂觀長於進取之基督教救我宗邦之爲愈也。孔教是否宗教尙斷斷然而莫之定其中人倫天道雖與基督教無大軒輊然若比而較之則覺其有弱點在（一）乏宗教儀式譬如祈禱基督教有所羅門之祈禱（列王上八章）耶穌之主禱文（馬太六章九至十三節）有大使徒之禱語（使徒行傳四章二十三至三十一節）孔子雖曰丘之禱久矣然究無從知其如何祈禱殆不過默想而已矣儀式足以激發精神不可偏廢惟不可徒尙儀式耳天下無無儀式之宗教也（二）無執行機關專任傳道行禮之職如佛之有僧基督教之有主教牧師等且無教會之存在（孔教會等於普通社會不得謂爲教會）幾如一家之哲理也（三）於天道上僅有言論而無實據不如基督教言上帝是愛有耶穌爲之代表言死後永生有基督復活以證其實（四）孔子聖人立教有易知難行之苦不若基督神人創教而有靈力以助世人（新約全書無非證明基督是神人其餘證明之書更汗牛充棟）（五）無贖罪之道使人懺悔後心地安樂此五者含意深遠今以限於篇幅姑語焉不詳且基督教輕破壞而重建設（馬太五章十七節又二十三章二與三節）苟基督教而流行也則孔教之道德在其中矣苟以孔

教。爲。國。教。以。礙。信。教。自。由。也。則。非。惟。基。督。教。之。眞。理。難。能。概。括。即。於。孔。道。恐。亦。如。告。朔。之。餼。羊。虛。行。故。事。而。已。由。此。觀。之。僕。之。所。以。不。揣。愚。昧。力。主。基。督。教。救。國。者。豈。入。主。而。出。奴。哉。不。得。已。也。顧。我。國。輿。論。則。又。不。然。甲。之。言。曰。基。督。教。勸。人。爲。善。者。也。乙。之。言。曰。基。督。教。立。醫。院。設。學。校。視。民。如。傷。蓋。慈。善。事。業。也。豈。知。其。所。可。寶。貴。者。尚。不。在。此。而。在。彼。昔。有。南。洋。島。會。謁。英。君。主。維。多。利。亞。問。英。國。興。盛。之。由。英。君。以。聖。經。示。之。指。爲。富。強。之。基。今。英。王。佐。治。第。五。曰。朕。望。吾。國。民。永。能。寶。貴。聖。經。因。按。肉。眼。觀。之。則。聖。經。爲。國。家。之。至。寶。按。靈。眼。觀。之。則。又。世。界。之。至。寶。也。美。國。前。總。統。羅。斯。福。有。言。曰。我。所。願。者。通。常。之。學。校。亦。能。以。聖。經。爲。課。本。不。惟。神。學。校。獨。用。之。也。蓋。已。受。教。育。者。不。能。無。聖。經。之。智。識。而。未。受。教。育。者。更。不。能。缺。聖。經。之。智。識。也。美。現。任。總。統。威。爾。遜。演。說。曰。國。家。之。盛。衰。視。道。德。之。隆。污。爲。轉。移。聖。經。者。人。類。道。德。之。準。繩。也。（曰。人。類。而。不。曰。美。國。人。者。以。基。督。教。爲。世。界。之。宗。教。萬。國。宜。信。奉。之。且。皆。能。收。興。國。之。效。也。）吾。人。爲。國。家。前。途。計。必。當。奉。聖。經。以。陶。鑄。一。般。之。少。年。良。以。英。美。之。元。首。深。知。基。督。教。爲。強。國。之。要。素。故。肫。肫。焉。其。國。民。皆。以。聖。經。爲。金。科。玉。律。也。夫。我。國。約。法。民。爲。主。體。民。德。若。厚。國。勢。自。強。古。人。亦。曰。民。爲。邦。本。本。固。邦。寧。今。同。胞。誠。能。立。救。國。之。志。納。芻。蕘。之。言。父。詔。

基督教救國論

子。勉。誕。登。道。岸。信。仰。上。帝。皈。依。基。督。玩。索。聖。經。身。體。力。行。則。內。訖。外。患。不。足。畏。而。英。美。德。法。易。爲。比。也。救。國。志。士。盍。歸。乎。來。



跋

聶管臣君奉其母曾太夫人之命。以基督教救國論爲題。屬王鈍根君徵文於新申報。得應徵之文三十餘篇。又屬鄙人爲之審定甲乙。而浦化人君之作。哀然冠其曹。其原評云。崇論宏議。得未曾有。是能揮斥百家。獨標心得者。本題得此。歎觀止矣。旣而管臣鈔其副本來。擬揭載於青年進步。余謂論文較長。似宜印成單行小冊。旣可隨本雜誌附送。又可設法再分散於社會各界。則流傳更廣。收效更大。管臣以爲然。遂付手民。校刊旣竟。曾太夫人爲書緣起於端。鄙人不辭而記其顛末如此。

民國七年二月六日 詒誨范樟跋

